



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Cap. V. De personis habilibus ad contrahendum sponsalia, & horum
obligatione & effectu.

[urn:nbn:de:hbz:466:1-73973](#)

C A P U T V.

*De personis habilibus ad contrahendum
sponsalia, & horum obligatione
& effectu.*

Quæst. 46. *Quinam contrahere possint sponsalia.*

Resp. omnes & soli, quialiquando licet & validè contrahere inter se possunt matrimonium, modò de præsente capaces sicut præbere mutuo consensum, & nisi iure positivo prohibeantur; sive qui carent impedimento de se perpetuo ad contrahendum matrimonium; siquidem promissio rei illicitæ vel impossibilis, etiam incremento firmata, non valet. Dicitur primò: qui licet contrahere possunt matrimonium. Hinc prioribus sponsalibus indissolutis & validis, à neutro sponsorum alia sponsalia, cum tertio, vel tertia contrahi queunt validè; quia cum illo licet contrahi nequit matrimonium, eti valide contrahere possint, & contrahant matrimonium. Dicitur secundò: qui carent impedimento de se perpetuo: quale v. g. est consanguinitatis, affinitatis. Etsi enim illud tolli possit per dispensationem, de se tamen est perpetuum, nullo tempore accidente tollibile. Hinc promissio, quæ consanguinei, vel affines aliove impedimento tollibili per dispensationem ligati promittunt sibi matrimonium, etiam sub conditione impetrata dispensationis, non constituit sponsalia, quo usque dispensatio imperetur; quia ante eam nullus ex contrahentibus (licet obligent exspectare, & procurare dispensationem) jus habet in alterum ad matrimonii celebrationem. Castrop. de sponsal. p. 6. n. 1. videtur tamen hic intervenire aliquid questionis de nomine, dum ab aliis talia sponsalia dicuntur valida ante eventum dispensationis. E contra promissio de contrahendo matrimonio facta inter impuberes de facto valet, & constituit sponsalia, eti pro eo tempore contrahere nequeant matrimonium; quia laborant impedimento contrahendi matrimonium de se non perpetuo, sed temporaliter tollibili accidente tempore citra dispensationem. Idem est de obstrictis voto castitatis ad unum alterumque annum. Quod autem impuberes septuaginta minores validè nequeant celebrare sponsalia, tametsi habeant solum impedimentum temporale contrahendi matrimonium, est, quod Jus Canonicum id specialiter prohibeat; unde additum in responsione: nisi iure positivo caveatur contrarium. Sed de hoc ex professo Tit. seq. Dicitur tertio: modò de præsente capaces sint præbere consensum: Nam tametsi carentes usu rationis aliquando, nempe pro tempore & causa, quo ad usum rationis redeunt, celebrare possint matrimonium, de præsente tamen nequeant sponsalia celebrare; quia libertate destituti non sunt capaces obligationis. Unde sit

Quæst. 47. *An & qualiter carentes usu rationis contrahere possint sponsalia.*

1. R esp. primò: Sponsalia à furiosis, amentibus, & similibus carentibus usu rationis contrahi nequeunt ob defectum pleni, & deliberali confessus. Ita AA. communiter juxta c. dilectus. de sponsal. censebitur autem quis sufficienter pollere usu rationis ad contrahendum validè sponsalia, si aptus existat ad merendum, vel demerendum vitam æternam. Castrop. loc. cit. nn. 2. Sanch. L. 1. de sponsal. d. 20. num. 15. juncto nn. 9. Videtur quoque non sufficere semiplena advertentia, qualis est in semi-ebrio, vel semi-sopito, & sufficit ad peccandum venialiter, non verò ad peccandum mortaliter, seu demerendum vitam æternam; cum per sponsalia contrahatur obligatio ad rem gravissimam, & summi momenti, nempe matrimonium. De cætero inquit iudicium sine fundamento à D. Thoma Pet. Ledesm. Henr. Gutt. de matrim. cap. 2. num. 12. requiri insuper discretionem, ut de futuris providere possint; cum iura, nullà facta mentione discretionis, & providentia futurorum, non requirant nisi septennium, quo quidem præsumitur haberi discretio, non tamen illa providentia futurorum. Neque audienda est Gl. in cit. c. dilectus. v. furiosus. dum videtur admittere à furioso validè contrahi, si alter contrahentium sit furoris concius, eò quod tunc non patiatur injuriam. Nam nullitas talis non oritur ex injuria, quæ alteri furoris ignaro fieret, sed ex defectu deliberationis & libertatis.

2. Resp. secundò: Si tamen furiosus haberet quandoque lucida intervalla, posset horum tempore sponsalia, & matrimonium contrahere, ita ut etiam postmodum redempte furore sponsalia, & matrimonium non reddantur invalida. Quamvis & tunc regulariter licet, & sine peccato non contrahantur, dum perpetuò furiosus ineptus est ad prolem educandam, nisi forte id manus alteri committi posset. Sanch. L. 1. d. 8. nn. 15. & seq. quem citat Pirh. loc. cit. num. 10. Krieger. loc. cit. num. 117. Videretur tamen etiam causa sufficiens resilendi à talibus sponsalibus contractis tempore lucidi intervalli, dum pars altera credidit furorem impostorum cessaturum. Porro dum dubitatur, an actus à furioso gestus tempore furoris, vel lucidi intervalli præsumitur gestus tempore furoris; quia furor præsumitur durare semper, nisi præsumatur ex aëris qualitate, eum gestum tempore sanas mentis.

mentis. Sanch. n. 17, Pirk. l.c. & alii ex Barbos. in c. dilectus n. 6. Quod dictum de furiōlo & amente, locum quoque in ebrio habet, dum tempore ebrietatis contrahit sponsalia; quia & hic carret consensu libero & deliberato. Sanch. l.c. n. 29. Item in correpto æstu iracundia turbante usum rationis, ita ut adimat debitam intellectus deliberationem necessariò requisitam ad consensum plenum, de quo intelligenda. l. quidquid calore ff. de reg. juris. L. 3. ff. de divortiis. dum dicunt, quod calore iracundia factum est, nullius roboris & momenti reputari, & pro infecto haberi, nimurum dum agens ita motu ira concutitur, ut quid agat, ferè non percipiat, ut Menoch. & alii apud Barbos. in c. dndum. de convers. conjugat. n. 2. Eum autem calorem iracundia fuisse tantum, ut impediverit voluntarium ad peccatum mortale requisitum, adeoque valorem promissionis matrimonii, meritò præsumi potest, si sedato animo in promissione priùs facta non perseveret. Vix tamen locum dicta habent in promptente matrimonium in vehemente & cæco æstu libidinosi amoris; eò quòd licet is multum obnubilat rationem, dicaturque furor & amentia quædam; vix tamen unquam tantus sit, ut excusat simpliciter operantem se peccato gravi; adeoque vix unquam in foro externo præsumi possit defuisse sufficiens deliberatio & consensus, & Judex in calu istiusti modi dubitandi indicare debeat secundum ea, quæ plerumque contingunt, ut dicitur in c. inspicimus. de reg. jur. in l.c. Krimm num. 119. Gobat. Theolog. experim. tr. 10. num. 27. Quamvis, ut Idem num. 26. negari nequeat, eam promissionem in circumstantia libidinosi æstu in ve- tante copulam non raro esse dubium, & ambigi de sufficiente deliberatione. Quòd si tamen quis ita contrahet: volo, ut si in ebrietate etiam plena aut æstu iracundia promisero tibi matrimonium, obliger tibi ad illud contrahendum, & pars altera id accepte re promittere, erunt quidem sponsalia, sed non formaliter vi istius promissionis factæ in ebrietate, sed antecedentis voluntatis libere habita ante ebrietatem sese obligandi, & dicta promissio facta in ebrietate habebit se tanquam conditio.

Quest. 48. Utrum surdus tantum, & mutus tantum, & mutus & surdus simul, vel etiam insuper cæcus contrahere possint sponsalia.

1. Esp. ad primum: De surdo tantum & muto tantum non esse dubium, quia validè contrahere possint sponsalia. Quin etiam surdi & muti simul à nativitate contrahere possunt sponsalia, & matrimonium, c. cum apud. b. t. Sanch. L. 1. de sponsal. c. 8. n. 12. Pirk. l.c. n. 11. Sunt enim tales fatus perspicacis ingenii, ut signis docere possint, quid sit matrimonium, & nutu, aliisve signis indicate consensum; cum etiam confiteri, & absolviri possint à peccatis.

2. Esp. ad secundum: Surdum simulque mutum, & cæcum contrahere possit sponsalia, & matrimonium, negat Sanch. l. c. n. 13. eò quòd mutus solis signis instrui possit, quid sit matrimonium; cæcus autem hæc signa percipere nequeat, nec etiam verba, cum simul sit surdus. Estque hoc verum moraliter loquendo & ordinariè, cuius fortè physicè non sit impossibile, ut tales ob perspicaciam ingenii sola ratione naturali cognoscent

rationem Sacramenti matrimonii, ut Pirk. ex Tanner. tom. 4. d. 8. du. 2. nn. 32.

Quest. 49. Num raptor cum raptâ contrahere queat sponsalia.

R Esp. Quemadmodum matrimonium jure novo Trid. Sess. 24. de reform. matr. c. 1. contractum à raptore cum raptâ, quamdiu hac est in ejus potestate, irritum est, ita quoque sponsalia inter tales contracta esse irrita, exinde inferunt proper paritatem rationis, quæ est defectus plenæ libertatis. Sanch. l. 7. de matr. d. 13. nn. 171. & ex illo Robert. König tract. de iure matr. Princip. & privator. tit. 7. in 4. decret. p. 3. §. 5. Contrarium tradit Perez. de matr. d. 38. secl. 4. nn. 8. & ex eo Wiesln. de imped. matr. a. 16. n. 9. quorum fundamentum ferè consistit in dilatatione fundamenti opposita sententia. Nam imprimis negant paritatem rationis, quæ in matrimonio irritando fuit defectus omnimodæ & plenæ libertatis, utpote quod semel contractum validè nullo iure humano rescindi potest; talis autem plenitudo libertatis non requiritur in sponsalibus, utpote quæ etiam validè contracta facile rescindi possunt; adeoque non exigunt tantam immunitatem à vi & metu, quantum exigit consensus in matrimonio contractum semel factum non amplius relinbibile. Quin & negant illud principium ab adversariis assumptum, quòd lex etiam correctoria juris antiqui & penalitatis extendi debeat ad casum, in quo eadem omnino militat ratio; eò quòd, cum tota vis legis & juris positivi pendeat à voluntate legislatoris ex justa ratione procedentis, in tali calu, identitas rationis quidem bene concludat, etiam alterum, in quo est eadem omnino, vel etiam major ratio, aquæ dignum prohibitio ne, non autem concludat esse aquæ prohibitum, nisi probetur voluntatem legislatoris ex illa ratione motam, tam ad hoc, quam ad illud prohibendum, uti contingit, dum prohibitio est universalis, & casus non expressus continetur sub universalis, ex qua est illatio necessaria ad particularia sub illa universalis contenta, ut Barb. tract. locor. com. arg. à loco 68. num. 3. Ostendunt hoc ipsum exemplis. Primo, dum c. quanto. de divortiis, ubi Papa consulitus, num uno conjugum incidente in haeresin, alter possit ad secunda vota transire, reficit, & affirmat, id fieri posse, dum unus infidelium conjugum convertitur ad fidem, altero in infidelitate permanente, aut nullo modo illi cohabitare volente, aut non nisi cum injurya creatoris, vel periculo perversionis. Negat autem, si unus conjugum labatur in haeresin, aut errorem gentilitatis, eti in hoc major (ut inquit textus) appareat injurya creatoris. Secundo, dum dispositio (quæ juxta plures est correctoria juris antiqui & odiosa, utpote restringens jus asyli, seu favorem Ecclesiæ, secundum alias vero etiam favorabilis, utpote direcè intendens reverentiam & favorem Ecclesiæ, intellige in calu homicidi commissi in Ecclesia) per quam ab asylo Ecclesiæ excluduntur rei assassini, leæ majestatis, depopulationis agrorum homicidii vel mutilationis commissæ in Ecclesia, extendi non debet ad casus non expressos, etiam graviores ex ulla quantumcumque causa gravi, ne quidem ob paritatem, aut etiam majoritatem rationis, ut constat ex Constit. Gregor. XIV. quæ incipit: Cum alias nonnulli. edita anno 1591. Unde

Unde jam etiam generaliter non subsistit dictum principium in subordinatis, ita ut, quando est eadem omnino ratio, dispositio, quod ad unum afficiat etiam alterum, quod ad ipsum ordinatur, nisi ad summum (intellige in prohibitionibus) dum subordinatum ducit ad id, cui subordinatur, illud & invalidè faciendum; jam verò sponsalia inter raptorem & raptam fieri possunt de celebrando matrimonio, tunc, quando raptus fuerit in tuto & extra potestatem raptoris; adeoque non est, unde sponsalia illa invalidentur.

Quæst. 50. An & qualem obligationem pariant sponsalia de futuro.

1. Resp. Primo: Imprimis sponsalia celebrata inter puberes pariant obligationem contrahendi matrimonii. c. Atho. c. dispensatas. c. de conjugali. 27. q. 2. c. ex literis. c. requisitor. b. t. stantimque in hoc juri canonico, per quod jus civile, quo despontis alteri nubere non prohibetur, correctum sentiunt ferè omnes. Sanch. L. 1. de matrim. d. 28. Gutt. de mat. c. 15. n. 1. Castrop. de sponsal. p. 7. n. 1. Dixi celebrata inter puberes: nam contracta inter impuberis, cum hac adveniente pubertate dissolvi possint, cessat obligatio. c. à nobis. de desp. impub.

2. Resp. Secundò: Est hæc obligatio naturalis; jure enim naturali obligamur servare fidem alteri legitimè datam & acceptatam, impleréque pacta & utrinque conventa; ergo, cum sponsalia habeant rationem pacti, (sunt enim contractus nominatus) pariant obligationem naturalem, & vinculum conscientia obstringens sub peccato. Pariant item obligationem civilem, qualis arguitur, quando contra violentem aut renuentem implere obligationem jure constitutam vel approbatam alteri conceditur actio, nimurum jus persequendi, hoc est, legitima facultas, seu authoritas permitiens persequi in iudicio id, quod sibi debetur; at sponsalibus de futuro legitimè contractis conceditur actio tam jure civili, quam canonico; quia sunt contractus, qui jure civili actionem parit, & quia habent positivam juris canonici assentiam.

3. Resp. Tertiò: Ut obligatio gravis seu sub peccato mortali; quia circa materiam gravem, qualis est matrimonium contrahendum. Castrop. Lc. Sanch. L. 1. de sponsal. d. 27. n. 2. cum communi; & quidem non solius fidelitatis (nisi forte contrahentes contra naturam alias sponsalia, aut etiam promissionis, ita restrinxissent intentionem suam, ut neuter alteri voluerit se obligare ad constitendum promissario jus exigendi promissum, sed solum ex fidelitate & veritate, quæ virtutes secundum Cajet. 1. 2. q. 423. a. 1. & quosdam alios inducent solum obligationem, sub veniali conformandi facta dictis reprobatis) sed verae justitiae, ita ut, si non stet conventioni huic sponsalitiae, agatur contra jus alterius, inferatur ei injuria; promissio siquidem acceptata est pactum, quod est consensus plurium in idem. L. 1. ff. de pactis, & ex accepta promissione promissarius acquirit jus exigendi promissum, diciturque is, cui pactum non servatum, passus injuriam. c. 1. & c. qualiter. de pactis. ac denique omnis contractus obligat ex justitia. Pirk. b. t. n. 15. cum communis: jam vero sponsalia sunt verum pactum, & promissio utrumque facta & acceptata contractus nominatus: facio, ut facias; ergo ex dictis infero, &

4. Resp. Quarto: Ex dicta obligatione contrahendi matrimonium orta ex sponsalibus, oritur

R. P. Leur. Jur. Can. Lib. IV.

obligatio abstinendi ab omni eo, quod eorum executionem impedire potest justè, religionis ingressu excepto; cum obligatus ad finem consequendum tacitè quoque obligetur, ne huic consecutioni impedimentum praestet, Castrop. l. c. n. 3. cum Cönnick. d. 22. du. 1. concl. 2. sequi quoque videtur, sponsos fornicantes cum aliis peccare non solum peccato intemperantia, ut docent satis probabiliter Pontius de sponsal. L. 12. c. 6. n. 8. Henr. L. 11. c. 18. n. 4. Covar. & alii apud Castrop. n. 4. ex ea ratione, quod non peccetur contra fidelitatem, seu non violetur fides, quippe qua data tantum de contrahendo matrimonio; non autem de non fornicando interea cum aliis; neque committitur injustitia; eò quod, quandiu sunt sponsalia, necdum corpus unius sit alterius, ac proinde fornicando tradatur alienum; sed & committitur infidelitas & injustitia; adeoque hæc circumstantia in confessione fornicationis expicenda, prout probabiliter docent Sanch. de sponsal. L. 1. d. 2. n. 5. & 6. Cönnick. l. c. n. 6. Mol. tom. 3. d. 73. n. 8. Laym. L. 5. tr. 10. c. 1. n. 6. Gutt. de mat. c. 1. sub finem. quos citat & sequitur Castrop. l. c. n. 5. Ratus est, quia imprimis sponsi sibi invicem fidem dant de corpore nemini alteri tradendo, nisi sibimet; sed, dum alteri extra matrimonium copulantur, alteri tradunt corpus, cuius usus erat sponsi reservatus. Dein sponsi sibi invicem jus acquirunt per sponsalia, ut sibimet, & non alteri corpus alterius tradatur, eti traditio corporum de facto necdum sit. Ad quod tamen satis plausibiliter dici videtur; acquiri per sponsalia jus, ne corpus sponsi tradatur alteri per contractum matrimonii, seu stabiliter; non vero, ne tradatur alteri per fornicationem, & quasi transeuntur, quemadmodum vendor equi obligatur ad tradendum emptori equum, ut is tanquam proprietarius utatur illo prohibitu suo; non tamen obligatur ante traditionem illius ad non permittendum alteri usum equi pro una alterave vice, si per hoc equus non deterrioretur; quod ipsum efficaciter diluere non videtur Castrop. dicendo simpliciter, & non probando, falsum esse, quod sponsus non obligetur ad non tradendum corpus alteri per copulam fornicariam, cum traditio hæc per copulam fornicariam sit detestabilior, quam matrimonialis traditio. Nam si loquatur de traditione matrimoniali corporis, quæ sit per matrimonium contractum, & non de traditione corporis consistente in ipso actuali usu corporis in matrimonio, detestabilius videtur peccatum violatis sponsalibus tradere corpus alteri, seu contrahere cum alia matrimonium, quam stantibus sponsalibus fornicari cum alia. De cætero docet Sanch. l. c. n. 6. cum aliquibus per fornicationem factam à sposo non irrogari sponsæ gravem injuriam, & consequenter non committi gravem injustitiam; eò quod communia estimatione nulla aut exigua irrogetur infamia sponsæ per hoc, quod ejus sponsus sit fornicatus cum alia, neque sponsa eam injustitiam magni ducat; cum videat ob hominum malitiam id frequens esse in sponsis; secus accidit, dum sponsa fornicatur cum alio, cum ea fornicatio graviter injuriosa sit sponsi, non solum ob periculum concipienda prolixi, sed & ob infamiam, quam incurrit ducendo tales, quæ tanta est, ut vix etiam infima sortis velit ducere corruptam ab alio. Quæ infamia & injustitia non tollitur per hoc, quod fornicatio sponsi, aliquis sit incognita; cum hoc sit per accidentem, dum fornicatio hæc per se sit apta cauare talia

damna. Quæ tamen distinctio non placet Gutt. l. c. c. 1. n. 10. Coninck. l. c. d. 1. circa finem. Pont. l. c. Caſtrop. cu. p. 7. n. 6. fed putant adhuc gravem committi iuſtitiam & injuriam inferri ſponsæ per fornicationem ſponsi ex eo, quod fornicatio tam ſponsi quam ſponsæ praefat parti innocentia ſufficientem cauſam ſolvendi ſponsalia, & delinquentem repudiandi. c. quemadmodum, de jurejur. diſſolutio autem ſponsalium & delinquentis repudiatio ſit grave quid, & repudiato graviter nocivum, adeoque ſupponit gravem iuſtitiam, ex qua oritur. Item quod ex illa fornicatione ſponsi naſci poſſit proles ſumptibus ſponsa alenda non ſine gravi præjudicio ſponsæ. Adenique, quod per hoc detur ſponsæ cauſa gravis triftitiae, dum videt aliam fœminam plus diligi a ſponsῳ, & juſte timere potest, ne ſponsus idem faciat contracto matrimonio. Porro licet dicta fornicatio ſit contra iuſtitiam, non habet tamen rationem adulterii, ut Caſtrop. num. 8. Sanch. L. 1. d. 2. num. 2. Gutt. n. 16. cum communī. Adulterium ſiquidem eſt alieni tori violatio. L. inter. §. 1. ff. ad Leg. Jul. de adulst. at dum corpus ſponsi promiſſum, neclum tamen traditum eſt, non eſt totum illius, ſiquidem eo uti non potest; ergo iuſus, quod aliud uitio illo, non eſt violatio tori alieni. Item adulterium cit. L. inter. definitur, quod ſit accessus ad nuptam, ſponsa autem de futuro non eſt adhuc nupta, ergo accessus ad eam non eſt accessus ad nuptam.

Quæſt. 51. Quandonam obligatio ſponsalia exequenda.

R Esp. Dum terminus certus non eſt præfixus executioni (is enim alias ſervandus eſt, niſi statuatur aliud lege vel ſponsorum mutuo & legitimo conſensu facta illius prorogatio) non ſtatim, data tamen opportunity, obligationem dandam executioni, ſed tune quando pars contrahens requiſierit, docent Sanch. L. 1. d. 28. num. 2. Gutt. de mat. c. 15. num. 5. juxta generale principium, quod debitor obligatus non ſit ſolveſe debitum, niſi requiſitum, dum terminus præfixus non eſt; eò quod debitor non exigens debitum tacite dilatationi conſentiat; ſecus ſit, ſi ob nimiam verecundiam, reverentiam, debiti ignoratiā, vel alterius inconvenientis timorem omittit exigere, uti ſæpe in ſponsalibus ex parte fœminarum contingit, quæ, eti maximè appetant ſponsalia perfici, petere tamen non audent ob naturalem pudorem, vel ob ſponsorum timorem, ne tædio affecti deſtant. E contra tenet Caſtrop. num. 2. citans pro hoc Pont. l. c. c. 6. num. 1. Cōn. l. c. Bartolom. Ledesm. de matrim. du. 13. sub initium, teneri ſponsos ſponsalia absolute & pura exequi ab ea die, qua contrafacta, ſeu quamprimum opportunity fieri potest; Arg. L. in omnib. obligat. ff. de reg. Jur. ubi: in omnibus obligationibus, in quibus dies non ponitur, preſente die debetur; & L. cum qui. ff. de V. O. ubi: quod sine termino debetur, ſtām debetur. Secus eſt in mutuo & precario, quæ non ſtatim, ac contrahuntur, debent reddi, fed arbitrio prudentis; cum alias nullius effe utilitatis. Facetur tamen Caſtrop. regulariter loquendo aliquem a ſponsalibus, alteriusve debiti ſolutione debitorem excusatum eſſe creditore non exigente; quia creditur tacite conſentire dilatationi, niſi omittat exigere ob gravem verecundiam & metum reveren-

tialeſ &c. Sed dicit, hanc excusationem eſſe per accidens; quia debitum, excepto precario & mutuo, per ſe debeatur a die, quod contradictum eſt.

Quæſt. 52. Qualiter obligentur, qui pro aliis ſponsalia promittunt.

R Esp. Tametsi promiſſio purè alieni facti priè & in rigore ſit nulla, adeoque nullam inducat obligationem, utpote de re, quæ ſub promittentis dominio & potestate non eſt. Tametsi etiam jure communi (intellige civili) ſit nulla; quia accipitur pro ut verba ſonant; Jure tamen Canonico promiſſio facti alieni (adeoque & matrimonii contrahendi a Tito) valida eſt & firma, non quatenus eſt facti alieni, ſed quatenus facti proprii; ſonus enim verborum eſt facti alieni, ſed ſenſus eſt facti proprii. Siquidem promittens factum alienum, non ipsum, ſed curam & diligentiam, ut efficiatur, promittit. Caſtrop. l. c. p. 5. num. 3. Molin. tr. 2. d. 258. Sanch. L. 1. d. 24. num. 2. Et. hinc promittens Tito filiam ſuam in matrimonium, eo haſ promiſſionem acceptante, obligatus eſt ſerio ac diligenter procurare filia consenſum, nec ſufficit ſicte ac ſimulatè eum procurare, cum ea non ſit procuratio, ſed procurementis ſimulatio. Caſtrop. l. c. Sanch. num. 12. Gutt. de mat. c. 14. num. 5. Quod ſi tamen promiſſione facti alieni, ſcilicet matrimonii (idem eſt de ſponsalibus) a tertio contrahendi pena adjecta eſt, eam ſolveſe non eſt obligatus promittens effectu non fecuto, ſi diligentiam debitam, ut ſequereur, adhibuit; non enim iuſtum eſt, penā affici, qui nullius culpa reus eſt. Molin. d. 268. Gutt. num. 6. Sanch. L. 1. d. 25. num. 3. Caſtrop. num. 4. Secus tamen eſt, caſu quo promiſſor intenderit ſe ad ſolutionem penā obligare effectu non fecuto, tametsi omnem diligentiam adhibuerit; quia tunc tenetur ad ſolutionem, non quatenus pena eſt, ſed quatenus eſt facti alieni compensatio. Caſtrop. num. 5. citatis Marant. in 99. præl. q. 7. num. 23. Covar. de paſtis. p. 2. f. 5. num. 5. Sanch. num. 6. Gutt. num. 8. Quemadmodum etiam promittens fraudulenter, nimis ſciens aut ſcire debens factum alienum eventurum non eſſe, obligatus eſt aſtimationem rei promiſſæ ſolveſe, quia promiſſarium decept. Molin. Caſtrop. LL. cit. Sanch. num. 5. Gutt. num. 7.

Quæſt. 53. Qualiter compellendus, qui renuit implere ſponsalia.

1. R Esp. Injuſtè renuens implere ſponsalia, in foro tam interno quam externo ad ea complenda, ſeu ad contrahendum matrimonium compelli potest. In foro quidem interno ſeu conſcientia penā omnibus exiſtentibus in peccato, & noſentibus ab eo defiſtere communi, nempe per negationem Sacramentorum. Caſtrop. l. c. p. 8. num. 1. In foro verò externo ſeu judiciali per Judicem ecclesiasticum commonendus prius eſt, ut obligationi ſuæ ſatisfaciat, ſin minùs, cenſuris ecclesiasticis compellendus eſt. Caſtrop. l. c. num. 2. Sanch. L. 1. d. 29. Gutt. c. 15. num. 2. Laym. L. 5. tr. 10. c. 1. num. 4. Pirk. b. t. num. 17. Pont. L. 12. c. 4. num. 2. Et. cum communi juxta c. ex literis. it. 2. b. t. quin & incarceratione aliisque penis, ut Caſtrop. citatis iuſdem

iisdem AA. quia Judex ex officio tenet procul-
curare, ne subditi injuriam patiantur, neve jus
eis debitum negetur; adeoque si à subditis in-
juriam patientibus requiratur, ut injuriantem
compellat ad desistendum ab injuria, isque per-
sistat; obligatus est ea uti compulsione, quæ pru-
denter judicaverit, hic & nunc opus esse ad dicta
injuria remotionem. Proceduntque hæc ipsa,
sive sponsalia jurata sint, sive non; tametsi enim
cu. c. ex literis. loquatur de sponsalibus juratis,
& ibi dicat Pontifex: *Quia contra juramentum
venire periculum est, mandamus, ut eum mo-
neas, & si monitus non acquerierit, censura com-
pellas, ut in uxorem recipias. Eo. decisis tamen
non nititur juramento, sed sponsalium obligatio-
ne & injustitia, quæ committitur per non imple-
tionem sponsalium, sive ea jurata sint, sive non.*
Pirh. Castrop. LL. cit. quamvis, ut idem cum
Sanch. L. 1. d. 29. num. 4. arctius cogendus sit
resiliens, dum sponsalia jurata sunt, & arctissime,
si puella sub ea fide deflorata.

2. Neque his obstat primò c. requievit. b. t.
ubi: *mulier qua juravit nubere alium, si postea
non vult, monenda potius quam cogenda, quia ma-
trimonia debent esse libera, & coacta sepe habent
exitus difficiles; nam rō potius accipendum est
pro rō prius, ita ut sensus sit, prius monendam,
& postmodum, si monita non acquerierit, co-
gendam, sive præcipue utendum monitione, &
coactione nonnisi secundariò, minùs principaliter,
& non proficiente monitione; & hoc modo di-
latum cap. non contradicit c. ex literis.* Pirh. l. c.
num. 20. & alii apud Barbos. in c. ex literis.
Sed neque talis compulsion, seu coactio obstat li-
bertati matrimonii; ad quod requiritur, ut libe-
rum sit ab omni necessitate extrinseca; non verò
etiam ab omni intrinseca, orta nimis ex iure
naturali, supposito libero consensu contrahenti-
um sponsalia, & quam sibi ipsi contrahentes vo-
luntari & liberè injecerunt; quin & per metum
gravem v. g. intentata excommunicationis vel
incarcerationis, justè tamen incussum non vitiatur
matrimonium. Krimet. ad 4. decret. num. 176,
adeoque non subsistit universaliter intellectum,
quod ait Pirh. b. t. num. 20. matrimonium ejus,
qui liberè sponsalia contraxit, metu graviter post
modum contrafactum est ipso jure nullum. Nihil
ominus argumento & occasione dicti c. requievit,
obseruant & monent Gutt. de mat. c. 1. num. 2.
Con. d. 22. du. 1. num. 10. Castrop. num. 3.
Pirh. num. 19. & 20. & AA. passim. Judicem uti
debete coactione moderata, & ad aliquod breve
tempus, & non absoluē & in perpetuum; quin
&, cum tales coactions, ut dicitur cit. c. requie-
vit. soleant habere exitus difficiles, dum prævi-
dentur & justè timentur publica scandalū & gravissi-
ma mala, expedit quandoque abstinerē à tali com-
pulsione, & sic permittere minùs malum (quale est
violatio sponsalium) ut majus malum (quale sunt
dicta scandalū) evitetur, præfertum cum spectet ad
Judicem cogere sponsos ad matrimonium contra-
hendum, si id expediat ad finem matrimonii, non
verò ubi id repugnat creditur huic fini, qui
est mutuum obsequium & conjugalis amor, quem
sibi invicem exhibere debent conjuges. Unde si
videat Judex, se nihil profuturum censuris, aliisque
penis, alia viā compellendus erit resiliens, ut parti-
læsa satisfaciat, Sanch. cit. d. 29. n. 7. Quin et-
iam ubi viderit, se jam imposita censurā nihil profi-
scere, & sponsum pertinacem remanere, deberet ab

R. P. Leur. Jur. Can. Lib. IV.

ea illum absolvere etiam non potentem, docent
Sanch. l. c. Pirh. l. c. citans Covar. in epist. 4.
decret. p. 1. c. 4. n. 5. Castrop. cit. n. 3: ne censurā
coactus fingat consensum, & sponsa deflorata re-
cedat.

3. Neque secundò obstat L. stipulationes. §. Cel-
fus. de V. O. ubi deciditur, in obligationibus facti
neminem compelli, sed solito interesse liberari;
nam id intelligendum, ut Castrop. n. 4. de factis,
quæ estimationem recipiunt; cum horum obliga-
tio ex tacita contrahentium voluntate non sit ad
factum præcisè, sed ad factum vel illius interesse;
secus de factis, quæ estimationem non recipiunt,
seu pretio compensari nequeunt, ut sunt sponsalia
& matrimonium.

Quæst. 54. *Quis sit Judex compulsionis
in hac materia, & dum adest causa
dissolvendi sponsalia, à quo ea debeat
judicialiter cognosci.*

1. R Esp. Ad primum: ubi movetur quæstio de
valore sponsalium, vel de causa ea dissolvendi,
Judex cognitionis est tantum Judex ecclæ-
siasticus; quia agitur de jure spirituali, seu vinculo
annexo causa spirituali & peccato vitando. Si
verò agatur de solo facto vel obligationis executio-
ne, Judex compulsionis esse potest tam laicus,
quam ecclæsiasticus; uterque enim compellere po-
test resilientem, ut contractum observet, etiam si
juramento firmatum. Castrop. cit. p. 8. n. 6. cita-
tis Abb. in c. ex literis. it. 2. b. t. n. 4. Sanch. L.
1. d. 29. n. 9. Gutt. de mat. c. 35. n. 8. Pont. L.
12. c. 6. n. 5. &c.

2. Rep. Ad secundum: Dum causa resilienti
justa allegatur, & desertur ad Judicem, opus non
esse eam judicialiter cognosci, sed satis esse, si Ju-
dex ex iis, quæ præ oculis habet, eam intelligat,
tradit Sanch. l. c. n. 6. citans pro hoc Gutt. c. 15. n.
2. Pont. ubi ante. n. 5. in fine. contrarium, nempe
opus esse judiciali cognitione, censer Castrop. ed
quid, cum Judex officio obligatus sit compellere
resilientem sine causa, nequeat ab hac obligatione
publica liberari, nisi ex causa authenticè probata.

Quæst. 55. *Quis præter obligationem fit
effictus sponsalium.*

R Esp. Illum esse duplē, nempe impedimen-
tum duplex matrimonii cum alio: Primum
impedimentum est impediens matrimonium cum
quocunque vel quacunque alia; dum nimis
stantibus sponsalibus, tam sponsus quam sponsa im-
peditur contrahere matrimonium cum tertio, ita
ut, si alteruter sponsorum violata fide contrahat
matrimonium cum alia, vel alio, contractus hic
matrimonialis valeat quidem, nec compelli possit
ullatenus, ut redeat ad priorem sponsum, vel sponsa,
peccet per hoc tamen mortaliter, & ad injuri-
am & damnum illatum alteri compensandum
compelli possit. Alterum impedimentum non
tantum reddens illicitum matrimonium cum alio,
sed & dirimens illud contractum cum consanguineis
alterius; diciturque impedimentum publicæ
honestatis, ex eo, quod regulariter minùs decens
& justum videatur, ut sponsus in uxorem habeat
sponsa sùx consanguineam, vel sponsa in maritum
consanguineum sùx sponsi. Verum de hoc com-
modiis infra, ubi de impedimentis matrimo-
niī dirimentiibus.